



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

XX. De notoriis & canonica purgatione.

urn:nbn:de:hbz:466:1-20006

da. Quoniam cùm juramentum fecisti, monetam aut falsam aut legitimam esse credebas. Si falsam, (quod de regia serenitate non credimus) juramentum fuisset illicitum & nullatenus observandum, & pro eo tibi esset peccatum injungenda, cùm juramentum, ut esset iniquitatis vinculum, non fuerit institutum. Si verò ipsam legitimam esse credebas, juramentum licitum fuit, & usquequa servandum. Et ut irreprehensibiliter observetur, consulimus & mandamus ut reprobata moneta quæ à legitimo pondere fuerat diminuta, alia sub nomine patris tui moneta cudatur, quam ad legitimum pondus reducas secundum eum statum quem tempore patris tui habuerit meliorem, ita quod & antiqua moneta, quæ ab illo statu falsata non fuerat, cum ea pariter expendatur. per quod dispendium vitari possit & juramentum servari.

T I T U L U S X X.
De eodem & notoriis & canonica
purgatione.

Idem Neapolitano Archiepiscopo.

Lib. 1. epist.
415.

AD nostram noveris audientiam per-
venisse quod dudum à te quasi per extorsionem tale fuit præstitum juramen-
tum quod in omni causa deberes ordinem judiciarium observare. Verum quoniam secundum traditiones canonicas manife-
sta accusatione non indigent nec in eis est ordo judiciarius observandus qui debet in aliis observari, neque tu, quando sub præmisso tenore jurasti, habebas in mente ut propterea venires contra canonicas sanctiones, alioquin non juramentum sed perjurium potius extitisset, nec aliqua ratione servandum, nos juramentum tuum benignius volentes interpretari, ita quod consoneret canonis institutis, frater-
nati tuae auctoritate præsentis inti-
mamus quod in manifestis & notoriis ra-
tione juramenti præmissi non credimus te teneri servare subtilitatem ordinis judiciarij, quam in his non servari per omnia ipsa quoque juris ratio postulat & requiri. Unde videbitur, nec immerito, subtiliter intuenti de ordine judiciorum pro-
cedere ut in præmissis non per omnia or-
do judiciarius observetur, quamquam &
secundum approbatum intellectum scrip-
turæ divinæ rectè possit intelligi quod ju-
rasti tu in omnibus causis ordinem judi-

ciam observares, in illis videlicet in quibus est ordo judiciarius observandus. Sic ergo faciens & juramenti tenorem servabis, & instituta canonica non omit-
tes.

Idem C. quondam Hildesheimensi Episcopo.

MIramur non modicum & non sine vide lib. 2. epist. 104. nos ausus es ponere os in celum, afferens quod contra te nec citatum nec convi-
ctum non fuerat sententia proferenda. Sed ecce in quo alterum judicas, te ipsum condemnas, cùm tuum non fuerit de su-
periori temerè judicare, & in eo quod ex-
cusationem tuam immo potius accusatio-
nem nostram allegas, tertium membrum omiseris, cùm in manifestis non sit ordo judiciarius requirendus. Verum utrum excessus tuus fuerit manifestus, con-
scientia tuae relinquimus discernendum, cùm non potuerit esse occultum quod tam pu-
blicè factum fuit & per totam Teoto-
niam publicum. Tu etiam confessus vide-
ris de crimen, cùm in litteris ad nos dire-
cis, quas adhuc apud nos in testimonium reser-
vamus, Heribolensem te præsum-
feris Episcopum appellare.

*IDEM ARCHIPRESBYTERO
sancti Andreae Pallianensis.*

QUAM sit grave crimen in Clericis Lib. 1. epist. 143. gloriari cùm malefecerint & in rebus pessimis exultare nullus sanæ mentis ignorat. Accepimus sanè, quod non sine dolore referimus, quod cùm Ricius de Serrone R. filiam suam cuidam Iohanni nomine tradiderit in uxorem, Petrus Diaconus Ecclesiae sancti Petri, filius sa-
cerdotis, non erubuit publicè profiteri se prædictam feminam carnaliter cognovisse. Unde factum est quod prædictus vir ad propria eam remitteret cui fuerat matrimonialker copulata. Quapropter per apostolica scripta mandamus quatenus si tibi constiterit de præmissis, omni contradicione & appellatione cessantibus præfatum ab officio & beneficio suspen-
dere non postponas, compellens virum ut uxorem suam recipiat, eique sicut ju-
stum est officium exhibeat maritale.

Idem Exonienſi Episcopo.

TUA nos duxit fraternitas consul-
dos si de Clericis publicè concubi-
nas habentibus, qui quando conveniun-
tur à te, se esse concubinarios diffitentur,

nec appetat contra eos legitimus accusator, credendum sit testimonio bonorum virorum inter quos vivere dinoscuntur, Nos igitur consultationi tua taliter respondemus, quod si crimen eorum ita publicum est ut meritò debeat appellari notorium, in eo casu nec accusator nec testis est necessarius, cum hujusmodi crimen nulla possit tergiversatione celari. Si vero publicum est, non ex evidentiā, sed ex fama, in eo casu ad condemnationem sola testimonia non sufficiunt, cum non sit testimoniis sed testibus judicandum. Sed si de Clericis illis talis habeatur suspicio ut ex ea scandalum in populo generetur, licet contra ipsos non apparuerit accusator, tu tamen eis canonicam potes purgationem indicere; quam si præstare noluerint, vel defecerint in præstanta, eos canonica poteris animadversione punire.

*IDEM SENONENSI
Archiepiscopo.*

Lib. 2. epist. 63.

Quoniam ex dictis testimoniis multa erat præsumptio contra Decanum Nivernensem, utpote cum esset manifestè probatum eum familiaritatem hæreticorum non solum habuisse, sed etiam captasse scienter, cum publica etiam labaret infamia, & tantum suscitatum esset scandalum contra ipsum quod non posset canonica purgatione deleri, nec ipsum absolvere, nec purgationem quam obtulerat ab initio, & tunc etiam offerebat, recipere noluerit, sed ipsum cum litteris tuis ad sedem duxisti apostolicam destinandum, intelligens quod ex concessa nobis plenitudine potestatis citra peccatum canoniam dispensare possumus & ultra eam rigorem severitatis attingere. Ceterum ei postmodum in nostra præsentia constituto communem audientiam in consistorio nostro concessimus, ubi se multipliciter natus est excusare, illud præsertim allegans, quod cum non apparente accusatore legitimo purgationem offerret, testes contra eum non fuerunt aliquatenus admittendi. Nos igitur litterarum scientiam & honestatem morum in te pariter attentes, licet ecclesiastica constitutio tales ab officio tantum usque ad purgationem canoniam doceat suspendendos, quod tamen etiam eum à beneficio propter immanitatem criminis, ut credimus, suspendisti, nolumus improbare; nec illud etiam propter causam improbamus eandem, quod licet nullus contra

Tom. I.

eum accusator legitimus compareret, ad detergendam tamen hujus pestiferæ mortis immo mortiferæ pestis radicem, ex officio tuo fama publica deferente voluisti pleniū inquirere veritatem. Attentes autem vulgatam infamiam, grave scandalum, & vehementem suspicionem ex testimoniis dictis obortam, quia contra eundem Decanum facere videbantur, cum propter eorum quodlibet ei esset purgatio injungenda, & servantes & molientes rigorem fratrum nostrorum Archiepiscoporum & Episcoporum apud sedem apostolicam existentium, purgationem quartadecimæ manus sui ordinis ei duximus injungendam. Ipsum igitur ad te cum litteris apostolicis remittentes, ut ibi purgaretur ubi noscitur infamatus, mandamus quatinus ascitis tecum Nivernensi & Parisiensi Episcopis, indiciam ei à nobis purgationem accipias, ita tamen ut qui ad ejus purgationem accesserint comprobandam, sint fide catholici, vita probata, qui conversationem & vitam ipsius non tam moderno tempore noverint quam transacto. Purgatione vero recepta, beneficium ei restituere non postponas, ne cogatur victimæ in cleri opprobrium mendicare. In peccatum autem familiaritatis illius quam cum hæreticis scienter habuisse dinoscitur, eum ab officio volumus manere suspensus, donec scandalum sopiat; ita tamen ut publicè familiaritatem hæreticorum abjuret. Præcipias insuper ipsi districte ut in prædicta & aliis villis circumpositis profiteatur & prædicet fidem catholicam, ac confundat & detestetur hæreticam pravitatem, sic deinceps vitam suam bonis adornans operibus ut infamia convertatur in famam, & omnem scandalum & suspicionem de catholicorum mentibus evellatur. Quod si forsan in purgatione defecerit, eum ecclesiastica distictionis mucrone percellas, & ab officio beneficiique depositum ad agendum pœnitentiam in arctum monasterium retrudere non omittas.

Idem Bisuntio Archiepiscopo.

Licet in beato Petro Apostolorum Lib. 1. ep. 276. principi ligandi atque solvendi nobis à Domino sit attributa facultas, quam in subditis juxta eorum exigentiam meritorum exercere liberè debeamus, exemplo tamen illius qui omnes salvat & neminem vult perire, libertus ad absolendum intendimus quam ligandum, et si

DDd ij

580 Prima collectio Decretalium

nonnullæ sint culpæ in quibus est culpa relaxare vindictam. Sanè cùm olim ex litteris G. Decani, C. Cantoris sancti Stephani, Iohannis Salinenensis, T. de Grabi, & plurium aliorum Canonicorum Ecclesiæ Bisuntinæ ad apostolicæ sedis audientiam pervenisset te varia crimina commisisse, ac ab eis fuisse per easdem litteras super perjurio & crimine simoniae & incestu delatum, felicis recordationis C. Papa prædecessor noster servata judicia-
ria gravitate tibi certum terminum assig-
navit quo, responsurus objectis, aposto-
lico te conspectui præsentares. Cùm au-
tem tu juxta tenorem factæ tibi citationis
ad sedem apostolicam accessisses, te &
dilectis filiis Io. & C. Archidiaconis apud
sedem apostolicam constitutis, expecta-
vimus aliquandiu si qui forsan contra te
procederent, & quæ de te litteris intimaverant,
proponerent in scribendo. Cete-
rū cùm nec unus etiam appareret qui te
impeteret de prædictis, ne aliquid de con-
tingentibus omittere videremur, prædictis
Archidiaconis vocatis ad præsentiam no-
stram, & in nostra & fratrum nostrorum
præsentia constitutis, quæsivimus diligenter
si quid super prædictis adversus te pro-
se vel aliis proponere vellent, & quod
scriperant, legitimè demonstrare. Ipsi
autem quod non proposito accusandi hoc
scriperant responderunt, sed quia tu su-
per quibusdam incorrigibilis videbaris,
quædam de te sedi apostolicæ duxerant
intimanda, sed nuntius qui pro litteris im-
petrandis accessit, mandati formam præ-
sumpsit exceedere. Nos igitur famæ tuæ
confulere cupientes, dictis Canoniciis con-
tra te super prædictis silentium duximus
imponendum, ne te de cero eis super ipsis
accusare liceat vel infamare, illius sequen-
tes exemplum qui cum mulieri dixisset,
Nemo te condemnavit, mulier? & illa,
Nemo, Domine, Nec ego, inquit, *te conden-
nabo. Wade, jam amplius noli peccare.* Quia
vero prædicti Canonici citra vinculum
inscriptionis desistere volerunt, eis de
juris permissione id non duximus impun-
tandum. Ne autem in absolutione tua ni-
mis procedere videamus, quamvis potius
in odore bonæ opinonis coëpiscoporum
nostrorum quam eorum infamia delecte-
mur, venerabili fratri nostro Cabilonensi
Episcopo & dilecto filio Abbatи de firmi-
tate inquisitionem famæ tuæ duximus
committendam.

TITULUS XXI.

De inquisitione culparum.

*Idem Neapolitano Archiepiscopo & C. sancti
Laurentij in Lucina Presbytero Cardinali
apostolicæ sedis Legato.*

Nihil est penè quod magis debeat for-
midare prælatus quam vitium neglig-
gentiæ: quia si juxta testimonium veritatis
de omni verbo otioso in die judicij redi-
diturus est rationem, quanto magis de
omni bono neglecto, cùm eum etiam qui
opus Dei fecerit negligenter scripturæ di-
vinæ sententia maledicat. Heli namque Lib. 2 ep. 169.
summus sacerdos, licet in se ipso bonus
existeret, quia tamen filiorum excessus
efficaciter non corripuit, & in se pariter
& in ipsis animadversionis divinæ vindictam
exceptit, dum filiis ejus in bello per-
emptis, ipse de sella corruens fractis cer-
vicibus expiravit. Ad corrigendos igitur
subditorum excessus tanto diligentius de-
bet prælatus assurgere quanto damnabilius
correctionem eorum negligeret; contra quos, ut de notoriis excessibus taceatur,
etsi tribus monitis procedere possit,
per accusationem videlicet, denuntiationem,
& inquisitionem ipsorum; ut tamen in
omnibus diligens adhibetur cautela,
sicut accusationem legitimam præcedere
debet inscriptio, sic & denuntiationem
caritativa correctio, & inquisitionem
clamosa deber insinuatio prævenire. *Des-
cendam* (inquit Dominus) & *video utrum
clamorem qui venit ad me, opere jam com-
pleverint.* Tunc enim clamor pervenit ad
prælatum, cùm per publicam famam aut
insinuationem frequentem subditorum
sibi referuntur excessus; & tunc debet
descendere & videre, id est, mittere &
inquirere utrum clamorem veritas comi-
tetur. Si autem juxta canonicas sanctio-
nes, si quid de quocumque clero ad au-
res prælati pervenerit quod eum justè pos-
sit offendere, non facile credere debet,
nec ad vindictam eum res accendere debet
incognita, sed coram Ecclesiæ sui senio-
ribus diligenter est veritas perscrutanda,
ut si rei poposcerit qualitas, canonica di-
strictio culpam feriat delinquentis, non
tanquam idem sit auctor, accusator, &
judex, sed quasi fama deferente vel de-
nuntiantre clamore officij sui debitum ex-
equatur, eo semper adhibito moderamine,